



Statsforvaltaren i Vestland
Njøsavegen 2
6863 LEIKANGER

Referanser:
Dykkar:
Vår: 22/1290 - 22/10378

Saksbehandlar:
Else Magrethe Totland Aarland
else.aarland@osteroy.kommune.no

Dato:
21.04.2022

Tilsvar til bruk av private aktørar

TILSVAR TIL RAPPORT OM OSTERØY KOMMUNE SIN BRUK AV PRIVATE AKTØRER

Osterøy kommune ser at tenesta ikkje har vore tydeleg nok i tilbakemeldinga, samt at bruken av private aktørar ikkje har vore innanfor lovkrava.

Dette tar me på høgste alvor og vil framover forholde oss på følgande måte:

Vårt tilsvar til rapporten:

Statsforvaltaren meiner at Osterøy kommune har ikkje dokumentert korleis plikta til å ha kommunal forankring og kontroll med utøving av mynde etter barnevernlova er sikra i tråd med lovkrav.

Utøving av mynde

Utøving av offentlig mynde kan ikkje delegerast eller verte lagt til private aktørar utan heimel i lov. Å "la seg bistå" inneberer noko anna enn å delegere mynde, overlate eller legge ansvaret for ei oppgåve til ein privat aktør. Osterøy kommune har valt å endre følgande mandat:

For å sikre at kommunen har den nødvendige kontrollen med at oppdrag vert utført i samsvar med lov- og regelverk, skal barnevernsleder være tett på den private aktøren. Undersøkningsrapportar skal godkjennast av leiar og den private aktøren skal berre utføre det arbeidet som er beskrive i rapporten. Egne mandatsmalar er laga for dette arbeidet. (sjå vedlegg)

Rutinar ved bruk av private aktørar skal leggjast fram før kontraktinngåing blir gjort. (sjå vedlegg)

Det er barnevernsleiar som har styring og kontroll slik at kommunen tek i vare ansvaret for barnevernlova. Alle avgjersler (og dei barnevernfaglege vurderingar som ligg til grunn for desse)

vert fatta av barneverntenesta ut frå det enkelte barnet sine behov for tenester og tiltak etter barnevernlova.

For å sikre at all bistand frå private skjer innanfor fagleg forsvarlege rammer vil Osterøy kommunen gjennomføre referansesjekk på den private aktør på lik linje som en gjer ved tilsetting i kommunen. Kompetanse og faglege kvalifikasjonar vil bli etterspurt slik at kommunen kan ivareta sine lovpålagte oppgåver på en forsvarleg måte.

Osterøy kommune vil nytte konsulentar fortrinnsvis i oppfølgingsarbeidet i tida som kjem.

Det er Osterøy kommune si barnevernteneste den private parten forholdt seg til. Dette vil vi gjere ved at kommunen sine tilsette i hovudsak vil utføre undersøkingar. Dersom private konsulentar utfører oppdrag på vegne av kommunen, skal dei bruke kommunen sine malar, sakshandsamingssystem og kontor. Dei skal delta i fagmøte og drøftingar på lik linje med eigne tilsette. Det er barnevernsleiar som gjer alle avgjersler.

Som ein del av internkontrollen i Osterøy kommune har barnevernsleiar kvar veke rettleiing og oppfølgingssamtalar for å sikra internkontroll av arbeidet. Det vil verte gjennomført stikkprøvar av sakshandsaming.

Barneverntenesta må til kvar tid ha oppdatert og tilgjengeleg dokumentasjon som viser korleis det vert sikra at oppgåvene vert utført i samsvar med lov- og anne regelverk.

Osterøy kommune har etablert eit eige dataområde der leiar og private konsulentar har oversikt over avtalar, mandat for arbeidet og rutinar. Dette betyr at barneverntenesta må ha rutinar for systematisk oppfølging ved bistand frå private aktørar, samt dokumentasjon på korleis oppfølginga faktisk skjer. Videre må barneverntenesta kunne dokumentere at vedtak og avgjerd om utøving av offentlig mynde er fatta av barneverntenesta.

Rollekonfliktar og habilitet (ugildskap)

Osterøy kommunane er merksam på problemstillingar knytt til eventuelle dobbeltrollar og habilitet. Dette gjeld blant anna dersom det er aktuelt å tilsette en person med tilknytning til en privat aktør som tilbyr tenester eller tiltak til barnevernet.

Barneverntenesta har rutinar for å sikre at bistand frå private aktørar ikkje inneberer at det føreligger omstende som gir grunn til å svekke tilliten til avgjersler som blir tatt.

Politiattest (barneomsorgsattest) og teieplikt

Osterøy kommune krev politiattest og teieplikt hjå private konsulentar som vert engasjert på lik linje som eigne tilsette.

Behandling av personopplysningar

Osterøy kommune krev at personopplysningar frå private konsulentar vert handsama i kommunen sine system etter gjeldande regelverk.

Med helsing

Else Magrethe Totland Aarland
tenesteleiar

Brevet er godkjent elektronisk og har derfor inga underskrift.

Mottakar:

Statsforvaltaren i Vestland

Njøsavegen 2

6863

LEIKANGER